

thematicam de rebus quae occurunt cognitionem, ascendendum nobis est.

## SCHOLION I.

§. 14. Praeter viam (§. 12) indicatam specialiores plures ad eandem metam ducentes dantur e. g. calculus Trigonometricus, Optica, instrumenta varia. Sic Joh. Ern. Eslingi Mechanici Regii societ. scient. Berol. Berg Compas ad dimidiandas profunditates in montibus & vallibus obuenientes; Crux geometrica, cuius structuram & usum peculiari dissert. Jen. 1716. Cl. Jo. Wencesl. Kaschubius dedit, & Quadratum Geometr. quod in Opticis adhibetur, quodque Leuinus Hulsius idiomate germ. Nor. 1594. 4. descriptis additis 37. fig. aen. laudari merentur. Nos duabus prioribus viis insistemus in sequentibus, nisi praeter instrumenta notissima, quae ad usum calculi Trigonom. & Opticae praequiruntur, baculos adhibendos instrumentorum numero velles annumerare.

## SCHOLION II.

§. 15 Ut de mente mea lectori constet penitus, haec tenenda, specimen dare voluit respondens, se Mathemata didicisse: unde profunda iam non meditor, sed utilia, curiosa, quo ex variis disciplinis exempla prostent. Calculus Algebr. quoniam omnium capri non est accommodatus omissus est studio. Et satius duxi, si variis unius problematis solutionibus indeque deductis propositionibus, aliquid conferrem ad Altitudinæ certitudinem omnimodam, erroresque haud raro obuenientes evitandos, corrigendosque monstrarem, quam si inaudita loquerer: quamvis subinde occurrent nona, vel minimum haud trita & vulgaria. Quo ipso una clarum, non omnia me prolaturum quae, ad hanc materiam (§. 5. 6.) quomodounque referri possent. Casus tantum varios proponam, in quibus emendata Altitudinæ virilitate sua non carebit (§. 4.), totaque tractatio bina comprehendet, quorum unum errores evitandos, alterum vero corrigendos sistet.

## PROBLEMA II.

§. 16. Altitudinem ad quam patet aditus metiri.

SOLUT. baculum sumas CD oculi tui altitudinem adaequantem, 2) humi prostratus ita, ut cum baculo CD & obiecto A B lineam rectam constitutas, plantas ad eundem baculum Fig. 1. perpendicularem apponas, 3) ex oculo O per C ad extremitatem A rectam tibi concipe, iubeas 4, distantia ab oculo ad obiectum B ut mensuretur, quae erit altitudo quaesita.

DEM.